

# FAAFINTA

## الرسمية



# RASMIGA AH

## الجريدة

JAMHUURIYADDA DIMOQRAADIGA SOOMAALIYA

الجمهورية الصومال الديمقراطية

Sannadka 7aad

Muqdisho 30 Maarso 1979 L. 2 R 3

Laanta Faafinta Rasmiga ah ee Madaxtooyada I.D.S

FAAFINTA BIL SOO BAXA

عدد شهريه

**QIIMADU:** waa 5 shilin lahar waliba - **RUKUNKA:** Sanadii waa Sh. 100 Somaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janayo. **QIIMAHA** qoritaanku F.R. halkii sadar iyo waxii ka yar waa 2 laba Sh. - Rukunka iyo qoritaanku waxaa la weydiistaa Laanta Maamulka Faafinta Rasmiga ah - **Lacagta** waxaa lagu bixinayaa Xafiska Canshuraha ee Wasaaradda Lacagta

## K O O B N I I N

### QAYBTA KOOWAAD

#### SHARCI

Bogga 258

SHARCI L. 9 ee 17 Feb. 79, Sharci ku saabsan Dhismaha Akadhemiyada Cilmi Fanka iyo Suugaanta.

SHARCI L. 10 ee 4 Maarso 79, Heshiis Amaaheed » 267  
dhexmaray J.D.S. Sanduuqa Ciraaq ee Horumarinta S IADACO.

قانون رقم ١٠ الصادر في ٤ مارس ١٩٧٩م (اتفاق القرض المبرم بين جمهورية

الصومال الديمقراطية وصندوق العراق للتنمية «سيادكو»

٢٦٨

### QAYBTA LABAAD

KEER MADAXWEYNAHA J. D. S. L. 19 ee 17 Feb- » 269  
raayo 79, Xeer Nidaamiye Akadhemiyada Cilmiga Fanka iyo Suugaanta.

QAYBTA LABAAD  
X E E R

XEEER MADAXWEYNAHA 19 ee 4 Maarso 79  
Xeer -- Nidaamiye Akademiyada Cilmiga  
Fanka iyo Suugaanta

M A D A X W E Y N A H A J. D. S.  
ISAGOO ARKAY: Xaashida laad 2aad iyo tan 3aad ee ka  
caanka 21ka Oktoobar 1969.

ISAGOO AQOONSAN: Baahida loo qabo in la dejiyo Xeer la-  
gu faahfaahiyo sharciga dhismaha Akademiyada.

ISAGOO TIXGELINAYA: Taladii uu soo jeediyey Wasiirka  
Wasaaradda Hiddaha iyo Tacliinta Sare.

WUXUU SOO SAARAYAA

Xeerka hoos ku qoran

QODOBKA 1aad

SHAQAALAHA AKADEMIYADA

Shaqaalaha Akadeemiyada waxa uu u qaybsamayaa :

- b) Shaqaalaha Cilmiga Baarista
- t) Shaqaalaha Maamulka.

QODOBKA 2aad

SHAQAALAHA CILMI BAARISTA

1. Jagooyinka shaqaalaha Cilmi Baarista waxa ay noqo-  
nayaan kuwa hoos ku qoran:

- i) Xeeldheere Guud
- ii) Xeeldheere Sare
- iii) Xeeldheere
- iv) Xeeldheere-Kaalije
- v) Jago kasta oo uu abuurro Guddiga Hogaaminta Cilmi  
Baarista, isagoo raacaya taladda Guddiga Fulinta Sare  
ee Akademiyada iyo tan Guddoomiyaha.

1. Magacaabidda, beddelaada iyo dallaacsiinta shaqaala-  
ha cilmi baarista ee ku xusan xubinta hore ee qodobkan, waxa  
loo asmaynayaa si waafaqsan qodobka 13aad ee Sharciga Aka-  
demiyaada.

2. Mushaharoyinka iyo gunnocyinka shaqaalaha cilmi  
baarista waa kuwa hoos ku qoran:

b) Mushaharoyinka shaqaalaha cilmi baarista waqtiga  
huuxa:

Jagadda	Mushahar	Gunno	Guri	Gunno	Jago
Xeel. Kaaliye	1,100/—	300/—		400/—	
Xeeldheere	1'300/—	500/—		500/—	
Xeeldheere Sare	1'500/—	500/—		700/—	
Xeeldheere Guud	2'200/—	500/—		800/—	

t) Mushaharka Cilmi Baarista waqtiga dhiman.

Xeeldheere Kaaliye	800/—
Xeeldheere	1,1000/
Xeeldheere Sare	1'500/—
Xeeldheere Guud	1'700/—

3. Guddiga Hoggaaminta oo Wasiirku u soo jeediyey, isaga oo la tashaday Guddoomiyaha Akadamiyada, ayaa awood u leh si xeerka waafaqsan, inuu mashaharka iyo gúnnocyiinka ku sheegan xubinta sare ee qodobkan, haddaba markii waqti la gaaro fiiro lagu haggaajinayo ugu laabto.

#### QODOBKA 3aad

### XULKA SHAQAALAHA CILMI BAARISTA

Qofka loo qaadanayo ama lagu soo wareejiyo inuu ku biiro shaqaalaha cilmi baarista waa in uu haystaa shahaadad Jamacadeed oo la aqoonsan yahay, heerka uu ku gudbayna uu ahaado «B» iyo wax ka sareeya, lahaado waayo aragnimo cilmi baari. seed iyo wixii kale ee looga baahdo, sida ku cad qodobada soo socda.

#### QODOBKA 4aad

Xeeldheere guud waxa Akademiyaada loogu qaadan karaa, loogu soo wareejin karaa ama loo dalacsiin karaa qofka la yimaadda shuruudaha hoos ku qoran:

1. Tacliin Jaamacadeed oo sare
2. Awood hoggaamin cilmi baariseed iyo waayo aragnimo ugu yaraan (12) sano ah.

- t) Faa'iido muuqata u leh horumarinta danaha Ummadda Soomaaliyeed.
  - j) Aqoon cilmi ah oo cusub ku biirinaya cilmiga guud ee adduun weynaha.
  - x) Dhamaantoodba.
- Qoraaladaasu waa in ay mutaysteen taxgelin qaranimo iyo aqoonsi caalami ah.

**QODOBKA 5aad**

**XEELDHEERE SARE**

Xeeldheere Sare waxa Akademiyaada looga qaadan karaa, loogu soo wareejin karaa ama loo dallacsiin karaa qofka la yimaadda shuruudaha hoos ku qoran:

1. Tacliin Jaamacadeed oo sare.
2. Waayo aragnimo cilmi baariseed oo ugu yaraan «8» sano ah;
3. Qoraalo cilmi baariseed oo kasbay tixgelin qaranimo iyo aqoonsi caalami ah.

**QODOBKA 6aad**

**XEELDHEERE**

Xeeldheere waxa Akadamiyada looga qaadan karaa, loogu soo wareejin karaa ama loo dalacsiin karaa qofka la yimaadda shuruudaha hoos ku qoran:-

1. Shahaadad Jaamacaddeed oo heerkeedu ugu yaraan yahay «B» ama ka fiican.
2. Shaqo cilmi baariseed iyo «tadbiiq» cilmiyeed oo ugu yaraan «B» shan sano (5) ah.
3. Niyad iyo aragti cilmi baariseed

**QODOBKA 7aad**

**XEELDHEERE — KAALIYE**

Xeeldheere — Kaaliye waxa Akademiyaada looga qaadan karaa, loogu wareejin karaa ama loo dallacsiin karaa qofka la yimaadda shuruudahan:

1. Shahaadada Jaamacadeed oo heerkeedu yahay ugu ya-

### QODOBKA 8aad

#### HAWL CILMI BAARISEED OO MUDAN QADARIN DALACAAD JAGO SARE.

1. Iyada oo la dhawrayo habka qodobada Xeerkan ku sheegan qof ku guulaysta cilmi baaris qoto dheer oo ama tijaabinay. Sa fikrad cilmi ah oo jirta, ama faa'iido muuqata u leh horumarinta aqoonta iyo danaha Ummadda Soomaaliyeed, ama aqoon cusub ku biirinaysa cilmiga guud ee Adduunweynaha waa loo dallacsiin karaa jagada ka saraysa tan uu markaa joogo, iyaadood lagu xirin shuruudaha waaya aragnimada ee ku xusan qodobada 4aad, 5aad, iyo 6aad ee xeerkan.

2. Xubinta hore ee qodobkan waxa lagu dhaqaya cidii kasta oo la tijaada hawl cilmi baariseed oo heer sare ah.

### QODOBKA 9aad

#### XILSAAR JAGO

1. Qof kasta oo ka mid ah shaqaalaha cilmi baarista waxa loogu dhiibi kara ku meel gaar ahaan jago ka sareeysa tan uu raami ahaan u hayo.

2. Qofka loogu dhiibo jago sida kor ku xusan, hayana muddo 30 maalmood dhaafaysa, wuxuu xaq u leeyahay bishii gunnada lagu qaato jagada cusub oo ku meel-gaarka loogu dhiibay.

### QODOBKA 10AAD

Markii qof loo qaadanayo shaqaalaha cilmi baarista wuxuu geleyaa hal sano oo tijaabo ah. Hadday muddada tijaabada ah ka muuqato in qofkaas karti darro awgeed gudan kari waayo waajibaadka iyo xilka jagada la xiriira Akademiyada waxay awood u leedahay:

i) Hadduu qofku ahaa mid Akademiyadu toos u qaadatay darajadiisuna tahay:-

b) Xeel dheere — Kaaliye shaqada cilmi baarista ayaa laga beddelayaa.

t) Xeel dheere sare iyo xeel dheere guud hal daraajo ayaa hoos loo celinayaa;

j) Haddii qofku yahay mid Akademiyadu loo soo wareejiyey, waxay u celinaysaa hay'addii looga soo beddelay ama Waasaaradda Shaqada iyo Arrimaha Bulshada.

2. Sannadka tijaabada kuma jiro muddada lagu qiimaynayo qofka waaya aragnimadiisa.

## QODOBKA 11aad

### FASAX WAXBARASHO

1. Hadday Akademiyadu u garato cid ka mid ah shaqaalaha cilmi baarista deeq waxbarasho, si ay sare ugu dhigto heerkooda tacliimeed, waddanka gudhihiisa ama dibeddiisa, waxa loo aqoonsanayaa sida uu wado shaqadii rasmiga ahayd wuxuuna xaq u leeyahay musharharka oo dhan, muddada waxbarashadiisu socoto.

2. Xubinta hore ee qodobkan waxa kale oo lagu dhagaya cidii kasta oo loo xilsaaro hawl cilmi baariseed oo gaar ah oo safar dibeddeed u baahan karta.

## QODOBKA 12aad

### Kororsiimo Mushahaaro

Shaqaalaha Cilmi Baarista ee ku xusan qodobka 2aad ee xeerkan, waxay dhamaan xaq u yeelanayaan kororsiimo joogto ah oo dhan Sh. So. 50/ (konton) labadii sanaba mar ilaa 7 (todoba) goor.

## QAYBTA LABAAD

### MAGACAABIDA' DALACSIINTA IYO BEDDELAADA SHAQAALAHA MAAMULKA

## QODOBKA 13aad

### MAGACAABIDDA SHAQAALAHA MAAMULKA

1. Qofka loo qaadanayo ama lagu soo wareejinayo shaqaale ahaan Akedemiyada waa inuu labada shuruudood ee hoos ku qoran midkood leeyahay:

- b) Ugu qaraan sitaa shahaadad dugsiga sare oo ku gudbay boqolkiiba lixdan (60%);
- t) Waa inuu aqoon guud oo fiican iyo karti ama waaya aragnimo dheeraad ah leeyahay.

2. Qaadashada, dallacada, casilaadda iyo beddelaada shaqaalaha maamulka waxa soo jeedinaya Guddiga Fulinta Akademiyada iyagoo kala tashanaya Wasiirka Hiddaha iyo Tacliinta Sare.

## QODOBKA 14aad

### JAGOYINKA, IYO MUSHAHAROYINKA SHAQAALAHA MAAMULKA

Jagocyinka, mashaharooyinka iyo gunnooyinka ay qaadanayaa shaqaalaha maamulka Akademiyada waxa goynaya Gola-

ha Hoggaaminta Cilmi Baarista isaga oo tixgelinaya sharciga u degsan shaqaalaha Wakaaladaha madaxa banaan iyo ra'yiga Cuddoomiyaha.

**QODOBKA 15aad**

**AFKA CILMI BAARISTA**

Qoraalo cilmi baaris ah waxaa lagu soo gudbin karaa afka Soomaaliga, Carabiga, Ingiriisiga iya Talyaaniga, iyadoo la tixgelinaayo afafka dadka Soomaaliyeed qoraalo cilmi ku soo bandhigi karaan.

**QODOBKA 16aad**

**QADARINTA MAWDUUCYADA CILMI BAARISEED**

Mawduucyada cilmi baarista ee loo soo qadami Galaha Cilmi Baarista Qaranka waxa lagu qadarinayaa ama lagu oggolaanaya shuruudaha soo socda.

1. Suugaanta habka cilmi baarista (Suondness of Scientific methodology employed).
2. Faa'iida ay u leedahay himilooyinka iyo danaha dadka iyo dalka Soomaaliyeed.
3. Cilmi ahaan sida ay wax ku ool u tahay (theoretical import).
4. Xaddidnaanta waqtiga ay qaadanayso.
5. Isudhignaanta wax tarka ay leedahay iyo qiimaha ay ku kacayso.

**QODOBKA 17aad**

**KHARASHKA MAWAADIICDA CILMI BAARISTA**

- b) Kharashka mashaariicda la oggolaado sannad sannad ayaa loo goynayaa.
- t) Mashruucii sannad wax ka badan soconaya wax la qiimaynayaa wixii laga soo qabtay inta aan la oggolaan kharashka sannadka kale.

**QODOBKA 18aad**

**SHAQAALAHA LOO XILSAARO CILMI BAARIS GAAR  
AHAANEED**

uu xaq u leeyahay gunno dheeraad ah (Special research allowance).

2. Waxa gunnadaas dheeraadka ah goynaya Guddiga Sare ee Fulinta marka la guddoominayo gunnada la siinaya qofka as waxa la tixgelinayaa:

i) Wax tarka cilmiyeed iyo wax ku qabsashada ay leedahay cilmi baaristu.

ii) Qiimaha, culayska iyo dhiibaatooyinka la xiriira hawshaas.

#### QODOBKA 19aad

#### GUDIGA DHEXE EE ASLUUBTA AKADEMIYADA

1. Guddiga Fulinta Sare ee Akadamiyada ayaa noqonaysa Guddiga Dhexe ee Asluubta shaqaalaha Akademiyaada isaga ayaana awood u leh inuu dacwo asluubeed ku qaado cid kasta oo ka tirsan shaqaalaha Akademiyaada.

#### QODOBKA 20AAD

#### HABKA QAADIDDA DACWADAHA ASLUUBTA EE SHAQAALAH QAALAH CILMI BAARISTA

Habka dacwadaha asluubta loogu qaadayaa xubnaha shaqaalaha cilmi baarista ee Akademiyaada wuxuu u bilaabmayaa sida soo socota:

Hadday dacwadu ku jeedo:

b) Xeel dheere Guud waxa ku oogi kara Guddoomiyaha iyadoon cidna ku dhalin, amase iyadoo uu raacayo talo ay soo jeediyeen xeeldheerayaasha machadkiisa, Guddiga Fulinta Sare, ama Guddoomiyaha Guddiga Hoggaaminta Cilmi Baarista.

t) Xeel dheereyaasha sare ama shaqaalaha cilmi baarista waxa ku oogi karaa guddiga Fulinta Sare ama xeeldheeraha Guud.

j) Agaasimaha Maamulka iyo Agaasimaha Ururinta iyo wax soo saarka waxa ku oogi kara Guddoomiyaha Akademiyaada iyo Guddoomiyaha Guddiga Sare ee Hoggaaminta Cilmi Baarista.

x) Xubin kasta oo kale oo ka mid ah shaqaalaha Akademiyaada waxa ku oogi kara Guddoomiyaha Akademiyaada isagoo raacaya tallada madaxda qaybaha uu ka tirsan yahay loo dhacay xaq iyo nidaamyo hoose si kale gabiin.



QODOBKA 21aad

GO'AANKA GUDDIGA DHEXE EE ASLUUBTA

Go'aanka guddiga Dhexe ee Asluubta oo ku saabsan dacwooyinka shaqaalaha Akademiyada waa kama dambeys. Xeel dheeraha Sare, iyo Xeeldheeraha Guud waxa u furan cabasho ay u jeedin karaan Guddiga Hoggaaminta Cilmi Baarista oo talaabo ugu dambaysa ka qaadanaya.

QODOBKA 22aad

QAYBAHA AKADEMIYADA CILMIGA FANKA IYO SUUGAANTA

Qaybaha ay ka kooban tahay Akademiyad Cilmiga, Fanka iyo Suugaanta waxay ku sheegan yihiin lifaaqa ku xiran xeerkaan.

QODOBKA 23aad

DHAQAN GELID

Xeerkan wuxuu dhaqan galayaa maalinta lagu soo saaro faafinta rasmiga ah.

Muqdisho 17 Febraayo 1979

Jaalle Axmed Ashkir Bootaan,  
Wasiirka Hiddaha iyo Tacliinta Sare.

Jaalle Maxamed Yuusuf Weyrax  
Wasiirka Maaliyadda.

Jaalle S/Gaas Maxamed Siyaad Barre  
Madaxweynaha Jamhuuriyadda Dimoqraadiga  
Soomaaiya, ahna Xoghayaha Guud ee XHKS.

Waan aragnay ee Diiwaangelinay Diiwaanka lam. 1 Bogga lam. 109 Muqdisho 17 Luulyo 1979 Hantidhawraha Guud KMG

**MAXKAMADDA GOBOLKA BENAADIR  
GUDDOMIYAHA MAXKAMADDA GOBOLKA BENAADIR**

Markuu: Arkay waxey ku saabsan tahay iyo ogeeysiiska ban-Haddii uu arkay dacwadda kor ku qoran;

giga; \_\_\_\_\_

Hadduu: Arkay qod. 69. D. L. 9/9/65 N. 2 lumid Buug Keydka lam. yahay 11.294 kuna qoran lacag dhan Sh So. 222/= Bangiga Ganacsiga iyo Keydka Soomaali Laanta 2aad.

**WUXUU AMRAYAA**

In loo cusbooneysiyo Buug Keydka ka dib markii ay ka soo wareegto 30 maalmood maalinta dekeretada lagu shaaciyiyo faafinta rasmiga ah ee dawladda.

**WAXA LA CODSANAYAA**

In buugga cusub ee la sameyn doono gacanta laga saaro Mu. riidi Sh. Cali Xaaji Iikar, ama qof isla asaga ka sita wakaalad sharci ah, ayadoo la sugaayo mudda 30 maalmood ah ee aan kor ku soo sheegnay.  
Muqdisho, 11.2.79.

**GUDDOMIYAHA MAXKAMADDA GOBOLKA BENAADIR  
(Gr. CABDULLAAHI MAXAMED MAAX)**

L. 196

**KANDALA — INDUSTRIE SOMALE CONSERVIFICI & PES.  
CA Saldhigga: MUQDISHO — Raasumaal Shs. So. 2.000.000  
ISKU YEERID FADHI CAADI AH IYO MID AAN CAADI  
AHEYN**

Sahmi qabayaaska Sharikadda KANDALA Industrie Somali Conservifici e Pesca — S. P. A. — waxaa la isugu yeeray shirka caadi ah iyo mid aan caadi aheyn ee lagu qaban doono Muqdisho Xafiiska Wasaaradda Kalluunka dhaxdooda, maalinta 18.6.1979 saacaddu markay tahay 10 subaxnimo fadhiga ugu horreeya, haddii fadhigaas suura galiwaayo, waxaa mar labaad la isugu iman doona maalinta 19.6.1979 isla saacadda kor lagu soo sheegay, si go'aan looga gaaro arrimaha soo socda:

**BARNAAMIJKA DOODA**

**FADHIGA AAN CAADIGA AHEYN:**

- 1) Waxaa la baddalayaa magaca Sharikadda;
- 2) Oggolaansha Sharciga dhismaha Sharikadda.  
(Statuto).

**FADHIGA CAADIGA AH:**

- 1) Magacaabidda Guddiga Maamulka iyo Guddiga Baa-  
rayaasha.

**GUDDIGA MAAMULKA**

KANDALA — INDUSTRIE SOMALE CONSERVIFICI & PESCA

Società per Azioni — Sede sociale in Mogadiscio Capitale sociale versato Shs. So. 2.000.000.

AVVISO DI CONVOCAZIONE DI ASSEMBLEA STRAORDINARIA E ORDINARIA.

Gli Azionisti della società per azioni «KANDALA» Industrie Somale Conservifici & Pesca, sono convocati in Assemblea Straordinaria ed Ordinaria in Mogadiscio, presso gli Uffici del Ministero della Pesca, il giorno 18 Giugno 1979 alle ore 10 in prima convocazione ed, occorrendo, in seconda convocazione il giorno 19 Giugno 1979 alla stessa ora ed nello stesso luogo, per discutere e deliberare sul seguente.

ORDINE DEL GIORNO

- 1) Modifica della denominazione della Società
- 2) Approvazione del nuovo Statuto Sociale.

Parte Ordinaria:

- 1) Nomina del Consiglio di Amministrazione e del Collegio Sindacale.

IL CONSIGLIO DI AMMINISTRAZIONE

L. 198

SHIRKADDA KOJU,

Ogeeysiis isugu yeerid shir caadi ah

Waxaa dhammaan laysugu yeerayaa Saamileyda ku jirta Shirkadda Kожu, in ay ka soo qaybgalaan Shirka lagu qabandoono Xarunta Shirkadda Kожu ee Kismaayo maalinta bisha Luulyo tahay 25.7.79, saacadduna tahay 8 fidnimo Shirka hore, haddii ay suura gal noqonweydo kan labaad wuxuu noqon doona 30 Luulyo 79, isla saacadda kor ku xusan.

Arrimaha laga doodi doono;

1. Oggolaansho Miisaaniyadda 1977 — 1978,
2. Doorashada Guddiga Maamulka Shirkadda,
2. Doorashada Guddiga Baarista
4. Wixii ka dhasha fadhiga  
Kismaayo 20 Maarso 1979

G/Ku xigeenka  
Xaaji Cabdi Yare

**QAYBTA 1AAD  
S H A R C I**

SHARCI L. 22 ee 10 Maaajo 79, Toosin iyo wax ku kordhin qodobka Sharciga Lamb. 21 ee Taa-riikh 3.2. 77 oo ku saabsan Gobollada iyo Deg-mooyinka.-

**M A D A X W E Y N A H A J.D.S.**

ISAGOO arkay: Xaashida laad tan 2aad iyo tan 3aad ee kacaankii 21ka Oktoobar 1969;

ISAGOO arkay: Sharciga lambar 17, 18, iyo 19 ee 1.7.1976;

ISAGOO arkay: Oggolaanshaha Guddiga Siyaasadda iyo Go-  
laha Wasiirada;

Wuxuu soo saaray:

Shariiga soo socda:

**Qodobka 1aad**

Guddocmiyaha Guddiga Maamulka ee Gobolka Lambarka 2aad ee qodobka 9aad ee sharciga lambarkiisu yahay 21, soo baxay 3.2.1977 waxaa loo toosiyey sida soo socota:

Guddocmiyuhu waa Wakiilka Dawladda Dhexe ugu qeyb-  
san maamulka Gobolka oo dhan, wuxuu mas'uul u yahay Ma-  
daxweynaha J.D.S. wuxuuna toos ula xiriiraa ulana shaqeyaa  
Madaxweynaha J.D.S. wixii ka baxsan maamulka oo si toos ah  
ugula xiriirayo ugalana shaqeynayo Wasiirka Dawladaha  
Hoose iyo horumarinta Miyiga, oo uu ka qaadanayo awaamiir-  
ta iyo tilmaamaha hawlmaalmeedka la xiriira maamulka  
guud ee Gobolka iyo fulinta mashaariicda, hase yeeshee wu-  
xuu kala xiriiri karaa Wasaarad kasta iyo Hay'ad walba wixii  
iyada gaar u saameeya.

**Qodobka 2aad**

Isuduwaha Dwaladaha Hoose

Qodobka 10aad ee sharciga xaggan sare ku sheegan (shar-  
ci lambar 21 ee 3.2.1977 waxaa loo beddelay sida soo socota:

1. Isuduwaha Dawladaha Hoose ee Gobolku waa Wakiil-  
ka Wasaaradda Dawladaha Hoose iyo Horumarinta Mi-  
yiga waxaana magacaabaya Wasiirka Dawladaha Hoo-  
se iyo Horumarinta Miyiga;
- b) Isuduwuhu wuxuu kormeeraa oo mideeyaana, Laama-  
ha Dawladda Hoose ee Gobolkiisa oo dhan, iyo sha-  
qaalahocda; wuxuuna darsaa, talana ka bixiyaa isku-  
dubbariddidda. Miisaaniyadaha Dawladaha Hoose iyo

- t) Wuxuu kala xiriiraa Guddiga Maamulka ee Gobolka oo uu ka qaadanayo awaamiirta shaqo maalmeedka hase yeeshee wuxuu mas'uul uga yahay Wasaaradda Dawladaha Hoose iyo Horumarinta Miyiga wixii ku saabsan farsamada maamulka;

#### Qodobka 3aad

Guddoomiyaha Guddiga Maamulka ee Degmada Lambarka labaad ee qodobka 12aad (2) ee sharciga lambarkiisu yahay 21 ee 3.2.1977 waxaa loo toosiyey sida soocota:

- a) Guddoomiyuhu waa Wakiilka Dawladda Dhexe ugu qaybsan maamulka Degmada oo dhan, wuxuuna mas'uul u yahay Madaxweynaha J.D.S., wuxuuna toos ula xiriiraa ulana shaqeyaa Guddiga Maamulka ee Gobolka oo uu ka qaadanayo tilmaamaha maamulka guud ee Degmada iyo fulinta mashaariicda, hase yeeshee wuu kala xiriiri karaa Madaxda laamaha Wasaarad walba iyo Hay'ad kasta ee Gobolka wixii iyada gaar u saameeya.

Wasiirka Dawladaha Hoose iyo Horumarinta Miyiga si toos ah ayuu u siin karaa Guddiga Maamulka Degmada awaamiir ku saabsan maamulka guud ee Degmada.

#### Qodobka 4aad

##### Maamulka Dawladda Hoose

Qodobka 13aad ee sharciga kod ku sheegan waxaa loo beddelay sida hoos ku qoran:

Degmada kasta xayay yeelanaysaa Maamule Dawladda Hoose iyo Horumarinta Miyiga oo uu magacaabo Wasiirka Wasaaradda Dawladaha Hoose iyo Horumarinta Miyiga, wuxuu na toos ula xiriiraa Guddiga Maamulka Degmada xagga shaqo maalmeedka, hase yeeshee wixii ku saabsan hawlaha farsamada maamulka wuxuu kala xiriiraa Isuduwaha Dawladaha Hoose iyo Waaxyaha Wasaaradda.

Gaar ahaan wuxuu mas'uul ka yahay

- b) Fulinta sharciyada u degsan Maamulka Dawladaha Hoose iyo awaamiirta Guddiga Maamulka ee Degmada;
- t) Habeynta Miisaaniyadda Dawladaha Hoose iyo gurista canshuuraha Dawladaha Hoose;

- j) Xafidaadda iyo ilaalinta kharashka iyo dakhliga Miisaa-niyadda iyo maamulka kale ee Dawladda Hoose;
- x) Hirgelinta mashaariicda;
- kh) Wuxuu ka qayb galaa fulinta, fidinta iyo ballaarinta barnaamijka J.O H.R.M.;
- d) Xannaanada iyo anshaxa shaqaalaha Dawladda Hoose;
- r) Wax alla wixii kale ee Guddiga maamulka ee Degmada ama Isuduwaha Dawladaha Hoose iyo Wasaaraddu ay u xilsaartay.

Qodobka 5aad

Qodobka 2aad ee sharciga lambarkiisu yahay 21 ee 3.2.1977 waxaa lagu kordhiyey lambar saddexaad oo qoraya:

- (3) Wasiirka Dawladaha Hoose iyo Horumrinta Miyiga wuyiga wuxuu ku leeyahay Guddiyada Maamulka Gobolada iyo Degmooyinka awoodda ilaalinta (Vigilanza) gudashada xilkooda.

Qodobka 6aad

Tirtirid

Sharci ama awaamiir sharci kasta oo sharcigan ka soo horjeeda ama aan la socon karin waa la tirtiray.

Qodobka 7aad

Sharcigani wuxuu dhaqan gelayaa markuu saxiixo Jaalle Madaxweynaha J.D.S.

Muqdisho, 10 Mag. 1979

(Jaalle Maxamed Siyaad Barre)

Madaxweynaha J.D.S. Sax. S/Gaas Maxamed Siyaad Barre